

■ COLUMNA

# Ina pendiculara en pli per damain skiunzs?

DA JOST FALETT

Las duas novitads vegnan il medem di en las medias. RTR communitescha las cifras da skiunzs da la stagiun 2017/18 per Engadin Mountains:  $-0,5\%$  cumpareglia cun l'onn avant, malgrà la bleira naiv, e  $-26\%$  en conguai cun 10 onns avant. E la SO dals 10 d'avregl publicgescha in artitgel «*Hoffnung für die Hahnensee-bahn*»: La cumissiun per ambient, planisaziun dal territori ed energia dal cussegl dals chantuns propona da schlucclar la lescha davart la protecziun da la natura e da la patria e da dar damain cumpetenzas a la cumissiun correspondententa ENHK (Eidgenössische Natur- und Heimatschutzkommission). Uschia duajan ils interess dals chantuns survegnir dapli pais. Tras quella midada duai dar nova speranza per realisar la pendiculara «Laj dals Chöds» da San Murezzan en il territori dal Corvatsch.

## Quai smirveglia per plirs motifs

Atras fatschentas adattan las capacitads a la dumonda. Sche quella chala èsi da reducir la spierta. I na gida er betg da fabritgar novas baselgias sche adina damain gliעד va a pregia.

Cler ch'in territori da Cskis pli grond è pli attractiv. Dentant: Las pistas èn gia oz colliadas. Cun far la «safari» poss jau cumenzar a Segl/Furtschellas, vegnir sur il Corvatsch a San Murezzan, muntar cun la Signal en il territori da Corviglia/Piz Nair e de-



scender sur Marguns fin a Samedan, poss muntar cun il runal da Survih e rivgiu a la staziun da Bever.

Er la colliaziun da San Murezzan tar il Corvatsch exista gia: Cun il «Hahnensee-Express» e cun il bus regular rivan ins quasi mintga diesch minutas tar la staziun dal Corvatsch.

Er ils 10 d'avrigl Engadin Mountains che la concessiun per la nova pendiculara dal Signal – che parta dal medem lieu sco la staziun planisada per la pendiculara «Laj dals Chöds» – saja avant maun. Cun quai daventa la Signal pli attractiva.

Ina pendiculara pli attractiva dal Signal ed ina nova pendiculara «Laj dals Chöds» concurrenzschan ils dus access existents sin il Corvatsch: Quel sur Segl Furtschellas e quel sur Silvaplana, renovà avant paucs onns. Damai anc da-

main giasts per Segl e Silvaplana.

Ils iniziants da la pendiculara «Laj dals Chöds» sa fan speranza e na chapeschan betg la critica cunter la nova pendiculara. Menziunà na vegn dentant cun nagin pled ch'els sezs impedeschan quella enfin l'onn 2030. L'onn 2000, tar la preparaziun dals Campiunadis mundials 2003, ha San Murezzan duvrà territoris da protecziun a Salastains per realisar las cursas. Ils responsabels han appellà a las uniuns da protecziun da seser ensemen e tschertgar in cumpromiss. Quellas han fatg quai. Il resultat è sta in contract tranter la vischnanca politica e quella burgaisa da San Murezzan cun Pro Natura e WWF scrit en il cudesch funsil: San Murezzan po realisar ils plans per il Campiunadi mundial a Salastains – sco cumpensaziun resta dentant l'autra vart da la val, inclusiv la regiun dal Laj dals Chöds, protegida per ils proxims 30 onns. Damai nagina infrastruttura turistica e nagina naiv artificiala enfin l'onn 2030.

In'ha durà gnanc tschintg onns suenter quest contract ch'ils iniziants èn vegnids cun ils plans per ina pendiculara sin il Laj dals Chöds. Quai è zunt problematic: Co duajan las uniuns da protecziun seser ensemen cun ils politichers e tschertgar schliaziuns sche paucs onns suenter vegnan ils promoturs da nova infrastruttura turistica cun projects che contrafan als agens contracts? La basa per tschertgar cuminaivlamain schliaziuns e fidanza.